



XXXVI.

Уставъ вилецкаго братства, утвержденный іерусалимскимъ Патріархомъ
Феофаномъ во время пребыванія его въ Кіевѣ

въ 1620 г.

1 Петръ глава 2.

*Житіе ваше имѣйте добро во языцехъ, да о немъ
же клеветуютъ васъ яко злодѣя, отъ добрыхъ же дѣлъ
видяще прославятъ Бога.*

Таяжь глава.

*Яко рабы Божіи всѣхъ почитайте, брацтво воз-
любите, Бога бойтєся, Царя чтѣте.*

2 Коринѳ. глава 6:

*Вы бо есте церкви Бога жива, яко же рече Богъ:
яко вселюся въ нихъ и похожду и буду имъ Богъ, и тѣи
будутъ ми людїе, глаголетъ Господь Вседержитель.*

**Предословіе ко всѣмъ благовѣрнымъ всякаго чи-
на, возраста же и сана Православнымъ.**

Возлюбленніи, возлюбимъ другъ друга, яко любви отъ
Бога есть, и всякъ любяй отъ Бога рожденъ есть и разу-
мѣетъ Бога; а не любяй не позна Бога: яко Богъ любви
есть; благодѣянїя убо начало и конецъ любовь, то есть ко-
рень и верхъ, и ничто же уподобится ей можетъ; идеже
аще любовь оставится все въкупѣ расторгнутя, безъ нея
убо ни едино дарованіе состоится. Того ради апостолъ глаго-

¹⁾ Уставъ этотъ слѣдовало бы помѣстить подъ 1588 годомъ, (см. примѣч.
къ сему документу) но мы имѣли возможность пользоваться рукописью, гдѣ оны
помѣщенъ, уже послѣ того, какъ напечатаны были все документы XVI стол.



леть: „житіе ваше имѣйте добро во языцехъ, всѣхъ почитайте, брацтво возлюбѣте“; ибо яко желѣзо едино другое творить остро; тако и соединеніе всѣхъ любви творить умноженіе. Аще бо во собраніи каменій, камень каменю сражаемъ творить искрамъ искоченія, и что каменя студенѣйше, но обаче естество бо его побѣждается. Аще ли о камени се да бываетъ, множае паче о душахъ другъ друга сражаемыхъ, огнемъ духовымъ согрѣваемыхъ: не токмо любви творить умноженіе, но и многимъ искрамъ добродѣтели искочити творить, и собесѣдника велія Спаса всѣхъ насъ имѣти содѣловаетъ: „идеже бо еста два или трие во имя мое, ту есмь посредѣ ихъ“. И паки: „Вселюся въ нихъ и похожду, и буду имъ Богъ и тѣи будутъ ми людіе, и буду имъ во Отца и тѣи будутъ мнѣ во сыны и дщери, глаголетъ Господь Вседержитель“. Брацтво бо именуется всѣхъ еднoсть и любовь церковное же: „вы бо есте церкви Бога жива“. Аще же тако есть, живемъ, молюся, яко братія, а неразнствуемо яко скоты, имъ же цѣсть разума. Но елико есть сила наша поревнуемъ народу вѣровавшимъ прежде, имъ же бѣ сердце и душа едина, и ни единъ же что отъ имѣнія своего глаголаше свое быти, но бяху имъ вся обща; благодать же бѣ велія на всѣхъ ихъ, не бяше бо ни единъ нищъ въ нихъ. Елицы бо господіе селомъ или домомъ бяху, продающе приношаху цѣны продаемыхъ и полагаху при ногахъ Апостоль, даеше же ся комуждо, еже аще кто требоваше. Иосифъ же нареченный Варнава отъ Апостоль, еже есть сказаемо сынъ утѣшенія, левитъ, Кипріянинъ родомъ, имѣя село продавъ принесе цѣну, ничто же утай и положи предъ ногама Апостоль. Гды совершенъ союзъ братолюбія, яко вся имѣнія продающе, отдаяху братіи. Зры сихъ разорителю, яже глаголеши—нѣсть треба брацтва церковного, еже есть всѣхъ единства и любви. Почто же ся замедливъ святыхъ Апостоль научити, сія



взаконившихъ; или невѣси яко познаное добродѣтели всѣмъ обща любовь, познаніе же злобѣ размѣшеніе языкъ: идеже бо въ множествѣ людій бывактъ распра, раздѣленіе и не согласіе, и елика ина таковая, не токмо злобѣ познанія суть, но и лице тѣла церковного стоитъ збѣло раздвоено и разлучно; а идеже единеніе и сообщеніе и сила духовная, во словесѣхъ добродѣтели познанія суть; того ради Апостолъ глаголетъ: „Будѣте въ любви вкоренены и основаны“, и паки: „всѣхъ почитаете, брацтво возлюбѣте“. Ты же что ради, противяся словесемъ божественнымъ, глаголеши брацтва не любите, и гнушаешиси не только не любящи, но и завидящи. Или сего невѣси, яко сіе только всомъ бѣснующимся достоитъ; престани же сего и покайся, да не до конца погибнеши и собратоненавистникомъ и убійцею Каиномъ осужденъ будеши. Глаголетъ бо Павелъ божественный: „Кое причастіе правдѣ ко беззаконію, кое еже общеніе свѣту ко тмѣ, или кая часть вѣрну со не вѣрнымъ“. Такжеже и всѣхъ любовное соединеніе любящимъ со не любящими, кая часть; тіе бо сами себе отъ Бога, онъ же свѣтъ и любовь, отлучаютъ; ибо речеши: люблю Бога, брата не навизу, — ложь есть: не любяй бо брата, и Бога не любить. Ты же, яже не точію одинаго, но многихъ не любяй, како можеши Бога любити. Имѣемъ же любовь, молюся, ибо ничтоже нѣсть наболѣнѣйшого, паче мужа любви неимущаго; не имѣяй бо любви и безсловесныхъ мній есть. Сія же братія разсудивше, не внимаемъ прелценымъ, воюющимъ противъ любви не по заповѣди Духа исполненныхъ глаголѣхъ, да научимъ вси, едино тѣло суци, аки о общимъ телеси, тако о всей Церкви да потщимся, понеже въ церкви аки въ дому единомъ достоитъ жити, и яко тѣло едино любити, отнюду же и крещеніе едино есть, и трапеза одина, и источникъ единъ, и тварь одина, и Отецъ единъ. Почто разлучены естесмо егда



мнози насъ во едино собирають; почто расторгненны быхомъ и принуждаемъ ся. Тѣмъ же оплакивати ихъ же и многожды и плакахомъ, вещи бо настоящіи плачу достойны суть, естесмо разлучены. Подобаеть убо единого тѣла наслѣдовати соединенія, понеже тако отъ малѣйшаго болшіи приобрѣтеніе имѣти будетъ. Ибо еда Моисей отъ свекра своего ничтоже полезнаго научився, всяко не гнушаяся, но и пріять разумъ и повеленіе и писанію се предаде, и нѣсть тѣмъ посрамлень; да не презыраемъ же тѣхъ, яже полезная совѣтують. Елицы аще поручены суть и худы не разсмотримъ да на нашемъ состоится, но да пріимемъ яже и отъ другихъ речены суть, и тако отъ Бога мзду пріимемъ большая славы насладимся; понеже яко онъ полезная речеть—мудрый есть, тако и мы тые пріемлюще славу получимъ разума и служенія. Никто же тебе да прелщаеть: аще кто мнится мудръ быти во васъ въ вѣцѣ семь, и никто же да мнить собою единомъ довольствовати. Глаголай бо о себѣ ищетъ славы своея, еже есть всѣхъ злыхъ виною; егда славу человѣческую уловляти будемъ,—и оттуду убо брани и сѣча, и оттуду любви студеность, оттуду зависти. Како же сего устрещися?—смирennemудріемъ, другъ друга честію болша творяща, имуще едину мысль, единомудрствующе и ни вчемъ ко иному противящесе, но со смиреніемъ сочетающесе и съ ними вкупѣ похваляющесе, отвсюду же всяку любовь умножающе; не именемъ убо и крещеніемъ христіанство наше совершается, но братолюбіемъ. Подадите убо въ вѣрѣ вашей добродѣтели, въ добродѣтели же разумъ, въ разумѣ же воздержаніе, въ воздержаніи же терпеніе, въ терпеніи же благочестіе, во благочестіи же братолюбіе, во братолюбіи же любовь. Симъ бо въ васъ сущимъ и множащимся, не празныхъ, ниже безплодныхъ сотворитъ въ Господа



нашего Иисуса Христа познание, Ему же буди слава со Отцемъ и Святымъ Духомъ нынѣ и присно и во вѣки вѣковъ. Аминь.

Хотяи́ приняти брацтво, во первыхъ подабаеть ему изглаголити сіе во церкви предъ священника тыми словы:

Во имя Отца, и Сына, и Святаго Духа. Я рабъ Божій (*имя рекъ*) приступаю до сего святого церковнаго брацтва и общаюсь Богу въ Троицы единому, и всему брацтву всею душею моею, чистымъ же и цѣлымъ умысломъ моимъ быти у братствѣ семъ яко единъ отъ вѣрныхъ братіи, даже до моего послѣдняго часа неотступаючи, ниже сопротивляючися во всѣхъ повинностяхъ его; но противникомъ сопротивлятися. Да приидеть на мя и на весь домъ мой благость Божія, миръ и милость и благословеніе, данное брацтву сему во вѣчныя роди. А если бымъ мѣлъ отступить, или похулити, или въ чомъ сопротивитися сему законному брацтву, да приидеть на мя и на весь домъ мой гнѣвъ Божій и отлученіе, уже и запрещеніе и клятва на таковыхъ реченная въ брацтвѣ семъ описанная даже до совершеннаго моего покаянiя, и аще ли безъ покаянiя скончаюсь, да буду и по смерти не разрѣшенъ, яко преступикъ закона Божія, от нея уже сохрани мя и спаси Христе Боже мой, молитвами Пречистыя ти Матере, и всѣхъ святыхъ твоихъ. Аминь.

Артикуль I.

Хто бы хотѣлъ уписатися до брацтва церковнаго, таковый первѣе нежели ся впишетъ маеть достатечне о всѣхъ вѣдати повинностяхъ нижей описанныхъ. Взявши вѣдомость и маючи истинную не отмѣвную волю свою маеть ся вписати тымъ способомъ: Пришедши до брацтва просити маеть, абы былъ за брата церковнаго вписанъ, слюбуючи поставовеню брацтва церковнаго досить чинити; по изгла-



голаніи обѣщанныхъ словесъ маеть дати въписанаго грошей 12 монеты полскоѣ; може кто по силѣ з доброй волѣ и болшь дати; бо не отъ скорби, ни отъ нужды: «доброхотна бо дателя любить Богъ». А въписавшися каждый маеть того постерегати, абы шлюбови своему и обѣтници досить чинилъ; глаголетъ бо божественное писаніе, яко лучше есть не обѣщатися, нежели обѣщавшися, не исполнити.

О въписаню стану духовного и шляхецкого такъ тежъ и посполитого народу.

Артикуль 2.

Поневажъ брацтво церковное зе трехъ становъ—духовного, шляхецкого, и посполитого, маеть быти грунтовне уфундовано и змоцнено, теда если бы кто хотѣлъ въписатися зъ духовныхъ такъ тежъ и зъ ихъ милостей П. П. и панень стану шляхецкого, которые отлеглими мешканямъ суть, тіе на сходки вшелякіе до брацтва прибывати и повинности и братцким досить чинити не могутъ; лечъ чрезъ пословъ. Если зъ доброй волѣ, кромѣ гвалтовнои и пилное потреби брацкои и гды часъ бы потому былъ, принаймнѣй разъ въ годъ на сходцѣ головной въ недѣлю Өомину, могутъ быти; и въ той часъ разомъ до брацтва що ласка, яко же кто изволеніе иматъ въ сердци своемъ, даровати, а въ небытности самыхъ присилати мають.

О оббираню братій старшихъ и строителей церковныхъ на каждый рокъ.

Артикуль 3.

На сходцѣ головной брацкой маеть быти напредъ елекція албо обобрание двохъ братій старшихъ, а двохъ строителей церковныхъ, то есть пономаровъ албо вытрикушовъ, а двохъ шпытальныхъ дозорцовъ; тіе всѣ въ повинно-



стяхъ тыхъ и урядахъ братскихъ не повинни быти ено рокъ единый: каждой теды схадки дорочной головной брацкой, меновите въ неделю Ёминну, повинни обебраніи братія старшей быти, строителъ церковнии и шишалнии дозорцѣ рахунковъ чинити предъ всѣмъ зебранемъ братій; братія, выслушавши ихъ рахунковъ порядне, спилностью одебравши отъ нихъ рестра, мають имъ подякованя вчинити за услугу вѣрную церкви Божой и иншихъ на ихъ мѣсто новыхъ обебрати; за изволеніемъ всѣхъ братій тыхъ же на другій рокъ просити можно; а хто бы ся хотѣлъ услужѣ и повинности сполной братской спротивляти и оной подияти ся не хотѣлъ за сгодными голосами и обебранямъ всѣхъ братій: таковый подпадати маеть винѣ церковной не отпустпой полъ камня воску.

О повинности и услужѣ церковной братій старшихъ строителей и дозорцевъ, якая маеть быти.

Артикулъ 4.

Повинность братій старшихъ першалъ есть вѣдати о всѣхъ приходахъ церковныхъ, о легаціяхъ албо отказахъ, если бы были якіе пижное стараня мѣти, жадному не фаворючи ошукати подъ клятвою святыхъ богоносныхъ Отецъ, жебы презъ нестаране ихъ и оспалость, знищени и спустошена церковь Божая не терпѣла. Тіе братія старшіи, кромѣ нужды и потребности гвалтовной, разъ во 4 неделѣ братію всю за обеслапемъ цѣхи брацкоѣ албо крижика повинни зобрати и сполне единодушно въ любви совершенной безъ смущенія, посворовъ, о размноженю хвалы Божой, поратованю церкви его святой радити, всѣ иншіе забавы и рады домовству належачіе, втимъ забраню не потребныи, на иншіи часъ отложивши, абы дармо часъ не тратити; зшедши ся братія всѣ купно мають зложити до скринки братской по грошу, четвертой недѣлѣ скринка братская маеть быти у



единого старшого брата, а у другаго ключикъ отъ скринки братскоѣ, въ который благословеніе святѣйшого патріархи схованое маеть быти и артикулы братскіе, реестра вшелякіе и грошѣ зложоные.

Артикуль 5.

Строителей церковныхъ albo вытрикушовъ повинность тая есть: вѣдати о всемъ скарбѣ церковномъ якій колвекъ есть, мѣти въ завѣдованю уєстрованіе сосуды, клейноты, аппараты, книги всѣ; мѣти въ завѣдованю таблицу, съ которою мають ходити въ церкви при литургіи божественной въ неделю каждую, праздники Господніе, Богородичніе и всѣ иншіе свята нарочитіе, которые дни церкви Божая повелѣваетъ празновати, просячи на потребности церковныя, зъ которой таблицѣ не маеть на що иншое дати тилко на офѣру до службы Божой, на вино, на ладанъ, кромѣ великой нужды. Реестра повинни мѣти на каждый рокъ два—единъ приходу, другой расходу, порядке въ нихъ пишучи що въ каждую неделю на праздникъ съ той зъ таблицѣ возмутъ и до скрини церковной вложатъ, такъ же що колвекъ на потребу церковную выдадутъ. Тыхъ же строителей повинность есть въ церкви и услуга: около образовъ свѣчъ строити, украшати, убирати, яко то въ дни нарочитіе: Воплощеніе Господне, Воскресеніе, около гробу Божого, на сошествіе св. Духа и иншіе праздники Господніе и Богородичныя, мають ся пилно старати, абы завше дорочныя поставники были на свѣтильникахъ принамнѣй каждый зъ нихъ фунтовъ 5 предъ иконами намѣстными, Спасителемъ, Пресвятою Богородицею, предъ храмомъ. На тіе поставники на воскъ повинни выбирати въ постъ великій доходъ дорочный, ставницу, названную зъ давнихъ часовъ ухваленную и постановленную, по поль трега гроша отъ каждого въ парохіи брата церковнаго и паракіанъ знайдучагося.

Артикуль 6.

Дозорцовъ шпитальныхъ повинность тая есть: мѣти старане о поживеню убозства шпитального яко и о нищихъ убогихъ школьныхъ. Легаціи и по смерти албо и за живота побожныхъ людей если бы якие были на шпиталь, мають мѣти въ завѣдываню своемъ и stondъ шпиталь на правовати и о вшељкой потребѣ убогимъ промышлявати; зъ межи убогихъ шпитальныхъ маеть завше съ пушкою ходити албо въ фортѣ церковномъ стояти, просячи на убогихъ; пушка тая маеть бити замкненна, а ключъ завше у дозорцовъ шпитальныхъ, съ котороѣ оналене и живене шпитальныхъ повинно бити; любо повинности братіи старшихъ строителей церковныхъ и дозорцовъ шпитальныхъ каждого особливые суть, еднакъ до споряженя и справованя добрыхъ побожныхъ учинковъ всѣ шесть сполне зноситися мають и радити якъ найлѣцѣй могло бы бити.

О повинности всѣхъ братіи вписанныхъ.

Артикуль 7.

Братіи всѣхъ вписанныхъ до реестру повинность есть на вшељкой схадциѣ бити, каждому безъ жадное вымовы и забавы домовој; а хто бы за обвѣщеніемъ братіи старшихъ и обесланямъ крижика на схадзку братерскую не ставился, таковый не отступной винѣ церковной, иле кротъ бы не ставился, фунтъ воску за каждый разъ, кромѣ того: если бы втой часъ не былъ въ дому, где въ дорозѣ, за свидѣтельствомъ истиннымъ, таковый братъ волный за зезволеніемъ братіи старшихъ и всѣхъ купно, гдыбы братъ который мѣлъ гвалтовную пилную потребу свою, для которой бы могъ значную понести шкоду не ставился, еднакъ первѣй повинень до старшихъ прійти и о повѣсти пилную потребу свою, позволеня взяши отъ нихъ, и то жебы не-



было часто; а если бы который на двоихъ схадзкахъ не былъ братія старшіи, реестръ братій списанныхъ всѣхъ пилю преглядѣвши (яко и на каждой схадзцѣ повинни), мають го двома братіями обеслати и напомянути любовне яко брата церковнаго, абы обѣщанію въ союзѣ братій изглаголаному досить чинилъ и былъ послушнымъ. Если бы преслушалъ братій мають го упомянути презъ духовнаго своего, ведлугъ науки самого Христа Спасителя: „Аще братъ твой согрѣшаетъ, упомани его на единѣ, при двою свидѣтелей, аще преслушаетъ оповѣждь церкви,“ то есть духовнымъ, церкви Божой служащимъ, „аще же и церковь преслушаетъ, да буди ти яко язычникъ и мигарь“. Павелъ Апостоль до Солунянъ пишетъ: „повелѣваемъ вамъ, братіе, с имени Господа нашего Иисуса Христа отлучитися вамъ отъ всякаго брата безчинно ходаща, а не по преданію, еже пріяша отъ насъ;“ того ради достоитъ намъ такового отлучитися: измѣте бо, рече, злого отъ васъ самѣхъ, яко члонка гнила отсѣцѣте, да здравыхъ не вредить.

О вписанію сестеръ.

Артикуль 8.

Сестры братства церковнаго якого же колвекъ стану шляхецакаго любь мѣсцкога до брацтва ходити не могутъ, ено ведлугъ повинностей братій вписаныхъ, албо що которой Господь Богъ до сердца подасть и совете по силѣ изволеніемъ добрымъ присилати мають.

Въ схадзцѣ братія вписаніи якъ мають поступовати.

Артикуль 9.

До брацтва братія зпеднися порожныхъ и непотребныхъ розмовъ не мають мовити, тилко радити о церкви Божой и о выхованю своего духовнаго и о ишихъ причетни.



кахъ и слугахъ церковныхъ; радити и пилное стараня мѣти, абы наука вшелякая христiянскимъ дѣтемъ въ школѣ была; обмыслити дидакалови учоному, пилному набоженства, науку досконалую дѣтямъ щире даючому, тризвому, слушное выховане и нагороду, жебы за пилною наукою его люде росли и хвала Божая множилася; радити о выживеню убогихъ шпитальныхъ, и пишимъ ратункомъ и вспоможенiемъ быти, которые не мають где главы подклонити; а если бы часу збывало, жебы не мали справы потребной около чого бы ся мѣли забавити, тогда за позволенiемъ братiй старшихъ рочныхъ, маеть быти читано постановени порядковъ братскихъ артикулы, которыхъ мають всѣ слухати пилно, разумомъ поймовати и уважати, абы нѣвчомъ противко оныхъ не выкочити подъ виною церковною двохъ фунтовъ воску на таковаго, который бы пiаный пришолъ, на схацку брацкую духовную, не подобаеть бо, едно тризвому, такъ тежъ и стояне при купѣ албо на звонници, а то для того, абы ся вчомъ непристойнымъ словы предъ братiею не вымовиль и не згоршилъ всѣхъ, писанно бо есть: „горе человѣку тому имъ же соблазнь приходитъ“. На схаццѣ брацкой волю каждому брату вписанному и наименшому мовити и радити поединкомъ, единъ по другимъ, а не всѣ разомъ, бо бы то не была рада духовная ено смущенiе, розрухъ, звада, але гды братъ вписанный будетъ мовити ростропнѣ, мудре въ милости братской радити о розмноженю хвалы Божей и вшелякихъ порядкахъ церковныхъ, а не о своихъ частныхъ непазержныхъ, таковаго всѣ повинни съ пилностью слухати и похвалити рѣчь добрую; еднакъ кождый гды схочеть мовити въ схаццѣ братской маеть просити о позволене старшихъ дорочныхъ, безъ дозволеня ихъ не повиненъ ничго же мовити, ани прекословити подъ виною фунту воску неотпустного. На схаццѣ братской не повиненъ жаденъ не вписанный быти и о радѣ братской вѣдати, кромѣ того еслибы мѣлъ якую потребу свою щегулную албо якую скаргу на брата впи-



саннаго и те по справѣ своей заразъ повинень отходити, не перешкожаючи мовѣ и радѣ братій вписанныхъ.

Артикуль 10.

Братія въ складцѣ мають мовити тихимъ гласомъ. любовне, разумно, ничте же вопреки глаголюще, хранити тайну мовячую въ собраніи братій, не откривати ни предъ кимъ и предъ подружіемъ своимъ яко и домовими повинень каждый утаити що было мовлено и раженно въ собраніи братій; а если бы ся показало на котромъ зъ братій, жебы былъ велерѣчивъ, тайны не храничи, не тилко въ дому своемъ але и на мѣстцахъ поближныхъ, въ господахъ, гдѣ иновѣрнии знайдоватися мели, що колвекъ въ собраніи братій мовлено было и яка рада сполная всѣхъ была выявилъ бы зъ хлюбы якоу, любовь з неосторожности учинилъ бы, таковой подпадаеть винѣ церковной неопустной поль каменя воску и стоянія въ кунѣ презъ вѣдель шесть подъ часъ литоргіи.

О порядкахъ братій всѣхъ вписанныхъ ку оздобѣ церковной належачихъ.

Артикуль 11.

Для братій вписанныхъ всѣхъ, иле ихъ буде въ реестрѣ, повинни быти роздавани за старанемъ старшихъ братій рочныхъ свѣчѣ оздобне маліованіе албо зеленіе въ четверть фунта каждая свѣча, можная речъ и болшь надъ реестрѣ уробити для приходящихъ, для гостя якого знаменитого шляхетного, будьли тежъ якого колвекъ стану; тые свѣчи мають быти роздаваны братьямъ всѣмъ вписаннымъ презъ строителей церковныхъ. На литіи всепошной, на поліелею, на 9 пѣсни, въ кождый празникъ Господскій и Пресвятой Богородици, въ день тожъ памяти рочной и ивныхъ нарочитыхъ святыхъ, где повелѣваеть уставъ церковный, даются братіямъ свѣщи. Строителѣ церковніе повинни мѣти свѣщи брат-



скіе въ добромъ схованю, не поламание роздавати братіямъ. Братъ если бы изъ небреженія зламалъ свѣщу въ рукахъ, повиненъ будетъ дати вины фунтъ воску.

О учинкахъ побожныхъ всѣхъ вписанныхъ братій милосердія.

Артикуль 12.

Вшелякая душа христіанская отъ дѣлъ или прославится или осудится предъ нелицемѣрнымъ Судією. Далекѣе належатъ добрыя учинки братіямъ, титулюющимъ ся братіями милосердія; глаголетъ бо божественное писаніе: „Да просвѣтитесь свѣтъ вашъ предъ челоуѣки, да видѣвше ваша добрая дѣла прославятъ Отца вашего, иже есть на Небесѣхъ..“ И братія абы вписанніи были зеркаломъ, прикладомъ всему христіанству побожныхъ учинковъ, мають ся всѣ сполне старати, жебы литоргія божественная соборне за отпущеніе грѣховъ ихъ самихъ, яко и преставлшихся ихъ родитетей и всѣхъ сородниковъ принампѣй 4 разы въ годъ отправоана была вкупѣ спарастачомъ; до того отправоана набоженства соборного мають созвати священниковъ ведлугъ можности хотяй 6 и зъ діякономъ и онимъ трапезу по литоргіи св. уготовати, не пребачаючи убогихъ, странныхъ; глаголють бо словеса божественная: егда твориши обѣдъ или вечеру не зови другъ своихъ, ни братій, ни сородниковъ, ни сосѣдъ богатыхъ, да не и ти такожде воззовуть тя: и будетъ ти воздаяніе, но зови нищія маломощніи, хроміи, слѣпныи и блаженъ будеши, яко не имуть ти что воздати, воздастъ же ти ся во воскресеніе праведныхъ.

Способъ о нагородѣ служащимъ олтареву и о приготованю трапезы убогимъ.

Артикуль 13.

Пораховавши 4 части въ року мають братія старшіи время уреченное зъ совѣтомъ братій всѣхъ назначити, и



предъ пристемъ часу того на схадцѣ близкой всѣмъ братіямъ о побожномъ учинку оновѣсти. Братія всѣ не прекословующе въ любви совершенной дѣлу добру соизволити имѣють и не отходячи зложити почему на кого придетъ, якъ сами усовѣтуютъ; такъ же зъ дому хлѣба убогимъ, до хлѣба що кому Богъ дастъ до сердца на изволеніи добромъ; и що домъ будетъ имѣти прислати где буде мѣстце назначоное приготованю трапезы. Ихъ милостямъ П. шляхтѣ обвѣстити презъ братій депутатованныхъ о времени уреченомъ милосерднаго учинку, просячи о поратованія, абы ихъ милости таковому дѣлу благу сообщниками были, и сподобимся кучно всѣ въ день воздаянія благихъ дѣлъ голосъ Божественнаго судіи велицемѣрнаго слышати: „Прійдѣте благословенія Отца моего, наслѣдуйте уготованное намъ царствіе отъ сложенія мира; взалъкахъ бо ся и дасте ми ясти, возжадахся и напоите мя; страненъ бѣхъ и воведомсте мя“... и далѣй: “понеже бо сотвористе единому сихъ братій моихъ, мнѣ сотвористе.”

О поминаніи преставшихся отецъ и братій и всѣхъ сородниковъ.

Артикуль 14.

Братія вписанніи повинни справити помянникъ интрегованный: въ той помянникъ каждый братъ, почавши отъ старшого до najmолодшаго, повиненъ дати вписати преставшихся родителей своихъ, братій, сестръ и сородниковъ, который священникови храму той церкви служакому отдати мають, жебы при каждой литургіи божественной, яко то при проскомидіяхъ читанный былъ; а за то священникови нагороду достойную всѣ сполне обмыслити и постановити мають.



О общемъ взаимномъ милосердномъ учинку въ союзѣ братій.

Артикуль 15.

Еслибы который братъ вписанный зволѣ Господни якою колвекъ пригодною слушною припадкомъ несчастливомъ подупалъ, таковому каждый отъ себе що которому Господь Богъ до сердца подастъ, albo зъ скринки братской, ведлугъ упадку его и баченя своего, на вспоможене дати мають; пишеть бо: „добро сотвориши благовѣрному въ горкости души его и обрящеши отдаеніе, аще не отъ него то отъ самаго Бога.“ А если бы который братъ подупалъ не слушнымъ якимъ упадкомъ, незволѣ Божіей, але зъ своволѣ: таковаго не до стоить запомагати; пишеть бо: „Аще добро твориши, разумій кому твориши, добро твори смиренному, а не даждь печестиву.“

Милосердніе учинки ко искреннымъ.

Артикуль 16.

На всякое лѣто въ празники господскіе нарочитые, Рождество Христово, Воскресеніе Господне, Сошествіе Св. Духа, во всѣхъ болницахъ сущихъ и скитающимся по улицахъ, не имущимъ где главы подклонити, о здравіи и спасеніи всей братіи маеть быти давана милостиня, каждому убогому странному узникови по силѣ зъ скринки братской; пишеть бо: „якъ огонь палящъ угасить вода тако и милостиня очиститъ грѣхи.“

Повинность набожная.

Артикуль 17.

Священникови служащому каждой недѣлѣ и въ свята нарочитые, абы молебень albo акакисть Пресвятой Бого-



родици, албо пресладкому Іисусу, албо и Господнамъ святымъ ведлугъ часу отправоваый былъ, съ скринки братскоѣ албо церковноѣ маеть быти давано по 6 грошей; уставникови албо дидаскалови грош. 3. Пишетъ бо: “всею сялю своею возлюби сотворшаго тя и служителя его, тѣмъ бо бдять о душахъ вашихъ, аки слово воздати хотяще, да со радостію сіе творять, а не въздыхающе.”

Повинность милосердныхъ учинковъ.

Артикулъ 18.

Еслибы который братъ вписаый и не вписаный захоровалъ зволѣ Господни, повинни о томъ братія старшіи вѣдати и всемъ ознаймивши въ схадцѣ, мають го навѣжати часто; пишеть бо: “не лѣнися посѣщати болящя, и ты бо возлюбленъ будеши.” Братъ же въ недузѣ солекащій помыслеть ли по собѣ, ижъ ближшій ку смерти нежели ку житію сего суетнаго свѣта, повинень, гды маеть собраніе, що колвекъ значьного отказати до брацтва: въ день бо, рече, скончанія души живота своего и во время смерти твоея раздати имѣніе свое; яко чуждымъ оставиши притяжанія и труды твоя въ раздѣленія жребій; давай и просвѣти душу свою въ болезни своей, не презри но молися Господеви и той тя исцѣлитъ и не стыдись исповѣдати грѣхи своя; яко же пишеть апостолъ: “болить ли кто во васъ да призоветъ іереи церковныя и да молитву сотворять надъ нимъ, помазавше его елеомъ во имя Господне: и молитва вѣры спасеть болящаго и воздвигнетъ его Господь, и аще грѣхи будетъ сотворилъ, отпустятся ему.” А если бы братъ особливе вписаный введузѣ для упадку своего и убожества не могъ мѣти достатку такого яко чловѣкъ хорый потребуеть, мають ему братія зъ скринки брацкой албо въ схадцѣ зложивши що колвекъ дати на поратоване; такъ же если бы не было кого при немъ уставичне, жебы го въ хоробѣ доглядаль, тог-



ды братія маюць якого чоловѣка богобойнаго наняти, жебы го доглядалъ. Если же бы Господь Богъ смерть на него допустить рачиль, а не было бы тѣла чимъ поховати, маюць братія всѣ сполне стараня пилного приложити, абы тѣло поховано ведлугъ порядку, яко належить сповинности христіанскоѣ.

Артикуль 19.

На улицы телеса странныхъ отъ мразу, голоду умершихъ, якъ ся трафляеть много, належить зъ брацтва трумну купити, и поховати належне трибомъ христіанскимъ, тѣми бо дѣлы благими Товвіа св. отъ Господа Бога милость получи.

Артикуль 20.

Еслибы на которого колвекъ брата вписаного богатаго и убогаго Господь Богъ смерть допустить рачиль, маюць всѣ братія тѣло его провадити, шесть братовъ несучи, иншіе всѣ братія парами впродъ тѣла идучи, кождый въ рукахъ свѣщу зъ скринки братскоѣ несучи. На процессію тую жалобную и услугу (тую жалобную) остатную брату умершому, братія старшіи маюць обвѣстити братій всѣхъ вписанныхъ въ прудкомъ часѣ, крижикомъ албо табличкою жалобною, а гды ся зыйдутъ братія на мѣсто нареченное, старшіи братія маюць оберати за часу, жебы не было якого смущенія при збраню людей многихъ. Братіи б до несенія тѣла, которіи покорнымъ сердцемъ въ любви совершенной не маюць ся взборонати таковому дѣлу доброму. Если би ся знайшоль таковой братъ не послушный на той же схадцѣ належить есѣмъ братіямъ совѣтъ сотворити на непослушнаго брата, скарати виною фунтомъ воску и стоянямъ при кунѣ презъ литоргію; такъ же если бы братъ который не былъ на процесіи жалобной брата преставляшагося за обвѣщеніемъ братій старшихъ, а былъ бы въ дому не въ дорозѣ,



любо бы мѣль якую забаву въ дому, ведлугъ работы въ полю, не можетъ мѣти вымовы жадной и уйги о непослушенство вины церковной ладану полъ фунта албо воску двохъ фунтовъ. До копаня гробу братія старшіи зъ скринки брацкоѣ повинни наняти кого колвекъ, если бы братъ преставлшійся бардзо убогимъ былъ. Отъ брата вписанного преставлшагося богатого и убогого за услугу и процесію брацкую нѣчого до скринки брацкое не маеть быти давано, кромѣ того еслибы самъ що з доброй волѣ своей до брацтва отказалъ; такъ же отъ сестры вписанной, подружія и чадъ преставлшихся брата вписанного, не повинни братія старшіи вытягати, отъ процесіи до скринки брацкоѣ.

Артикулъ 21

Братъ не вписанный парохіяльный любо тежъ зъ стороны и иншей парахіи гды ся преставить, а пришли бы сродники или клеветети преставлшагося до брацтва и просили о процесію и иншіе обряды умерлому тѣлу належачіе, не возбранно маеть имъ все ведлугъ желанія быти отъ братій вписанныхъ. Теды братія старшіи умовивши впередъ и постановивши зъ оными нагороду певную до скринки брацкой, обеслати повинни всю братію знакомъ брацкимъ; братія неспротивляючися нѣвчемъ маются зыйти и услужити не ленокне тѣлу змерлому, яко и брату вписанному; а если бы который братъ въ томъ не былъ послушный и не былъ на процесіи, то винѣ подпадати, якося выжей въ томъ артикулѣ назначило. Нагорода ведлугъ постановенія взята отъ процесіи брацкое не маеть на що иншого ити, тылко на potrzeby братскіе церковныя, яко то свѣчи и иншіе sprawy. Найпаче же братіямъ рочнымъ старшимъ подобаеть смотрити, абы заразъ преставлшійся братъ или сестра скоро по погребѣ былъ вписанный въ помяникъ братскій, котсрый маеть читати завше священникъ, за певною нагородою отъ всѣхъ братій при каждой проскомидіи въ дни памятныхъ, по вечерни и въ великій постъ по уставу церковному.



О захованю любви совершенной въ союзѣ братій вписанныхъ.

Артикуль 22.

Пишетъ Апостоль: „надъ всеми сими стяжете любовь, яже есть союзъ совершенія“. Наложить всемъ братіямъ любовне жити въ любви не позволѣнной але щирою, единъ другаго шануючи, не вишна себе и болша творяще, нетылко въ собраніи братій, але и на всякомъ мѣстѣ, абы союзъ братій былъ совершенный, doskonaлый; уста бо Господня глаголють сія: „аще кто хочеть во васъ быти вищій да будетъ всемъ послѣдній“. Наложить всемъ тои высокоцноты держатися покоры. Господь гордымъ противится, смиреннымъ же даетъ благодать. Гордость родить не милость, зъ немилости походятъ звады, свары, растырки межи братією, которыхъ ся пилно выстерегати и утѣкати предъ ними все повинни. Если бы было якоезастя, посварь, гнѣвъ, знаважде не бѣсовское межи братома, албо если бы братъ вписанный брату вписаному кривду якую колвекъ учинилъ и имѣлъ бы его укривжонный до права позвати, тогда первѣи нежели позоветъ масть ознаямити братіямъ старшимъ и всемъ. Братія же мають о томъ стараня пилное мѣти, якъ бы ихъ до права недопустивши погодити и разсудити прю ихъ слушную. Але если бы братъ любо бы былъ и моцно укривжонный, первѣи нежели братіи ознаямилъ, албо не ознаямивши до права брата позвалъ, масть дати вины четверть каменя воску, для того ижъ то учинилъ противъ постановеню и порядку братій всехъ пишетъ бо Апостоль: смѣеть ли кто отъвасъ вецъ имѣий ко иному судитися отъ не праведныхъ, ко сраму вамъ глаголю: тако ли нѣсть единъ во васъ мудръ, иже можетъ разсудити межи братією своею.

Примѣч. Напечатанный братскій уставъ извлеченъ нами изъ небольшого сборника (in fol.), недавно поступившаго въ церковно-археологическій музей при Кіев. дух. Академіи изъ Почаев-



ской лавры. Весь означенный сборникъ состоитъ изъ разновременнo составленныхъ какъ печатныхъ такъ и рукописныхъ документовъ, касающихся исторiи братствъ,—именно грамотъ, утверждающихъ братства, братскихъ уставовъ, реестровъ братчиковъ и перечней, сдѣланныхъ ими пожертвованiй. Всѣ эти документы, большею частью въ нашей печати неизвѣстные, представляютъ богатый материалъ для изслѣдователя церковной исторiи западно-русскаго края. Но особенно важное историческое значенiе имѣетъ *напечатанный* нами уставъ,—полнѣйшiй изъ всѣхъ доселѣ извѣстныхъ. Мы думаемъ, что уставъ этотъ есть тотъ самый *чинъ вилненскаго церковнаго братства*, который виленскiе братчики „въ лѣто 1588 благословенiемъ Ионисифора митрополита киевскаго напечаташа“ (*Собранiе древ. грам. и актовъ городовъ: Вильны, Ковны и проч.*, изд. 1843 г., ч. 2 № 3) и который наши изслѣдователи считали потеряннымъ для науки (А. З. Р. т. IV примѣч. 3). Свое предположенiе мы основываемъ на слѣдующихъ данныхъ: 1) Въ сборникѣ, откуда заимствованъ означенный уставъ, прямо говорится, что онъ *выписанъ* 27 окт. 1657 г. *зъ виленскихъ артикуловъ братства св. животворящаго Духа*. 2) Въ 1589 г. виленскiе братчики, представивши королю *отпечатанныя* ими и утвержденныя патриархомъ Иеремiею *порядки и артикулы о справахъ и обыкодахъ церковныхъ*, просили подтвердить ихъ. Король уважилъ просьбу братчиковъ и 21 июня того же года выдалъ имъ *жалованную грамоту*, утверждающую братскiе артикулы, при чемъ изъ послѣднихъ сдѣлано было въ грамотѣ краткое извлеченiе (А. З. Р. IV. № 18). Сравнивая это извлеченiе изъ артикуловъ съ помѣщеннымъ нами уставомъ, мы нашли между ними самое существенное сходство. 3) Въ сочиненiи изданномъ въ 1632 г. виленскимъ православнымъ братствомъ: подъ заглавiемъ, *Supplementum Synopsis* есть слѣдующее мѣсто, относящееся къ разсматриваемому нами *чину братства*: „*Xiądz Oranski... wazęł się zadać to, iakoby s. pamięci Patr. Hieroniasz miał być iakemś uniatem, y drukowany xiążeczkę porządkow naszych bratskich czytając tak argumentował: w pracfali tych porządkow nazywa patriarch Heremiasz Piotra s. wierchownym, ergo unit był.*



Druga, w miłości y soiedinenii aby żyli tego potrzebuie, ergo unita approbowal, a te zaiste assertie dwie poszły cos na owo; baculus stat in angulo ergo coelum ruít.... Въ нашемъ уставѣ тоже есть *предисловіе*, гдѣ на первомъ планѣ поставлены изреченія *Апостола Петра* и гдѣ постоянно говорится о любви и *сдиненіи* между братією.

Чинъ виленскаго братства послѣ отпечатанія разошелся по юго-западной Россіи въ большомъ количествѣ экземпляровъ (львовскому братству виленское прислало его въ количествѣ 30 экзем.—А. З. Р. т. IV. № 4.) и какъ одобренный патриархомъ и утвержденный свѣтскою властію принимался за руководство некоторыми вновь образовывавшимися братствами¹⁾ безъ существенныхъ измѣненій.²⁾ Есть основаніе думать, что *виленскія артикулы* были приняты въ руководство и въ кievскомъ братствѣ, и во время пребыванія въ Кіевѣ іерусалимскаго патриарха Теофана представлены были ему для утверженія. На такое предположеніе наводитъ то обстоятельство, что въ нашемъ сборникѣ виленскимъ артикуламъ *непосредственно* предшествуетъ (помѣщена въ серединѣ между заглавіемъ устава и самымъ уставомъ) одна изъ грамотъ патриарха Теофана, данныхъ имъ кievобогоявленскому братству³⁾,—обстоятельство, легко

¹⁾ Такъ, напр., въ нашемъ сборникѣ говорится, что виленскіе артикулы списаны для братства въ *градъ Канчужъ*.

²⁾ Измѣненія могли касаться количества взноса денегъ каждымъ братчикомъ, назначенія дней для общихъ сходокъ и т. п.

³⁾ Во II т. *Памятниковъ, изданныхъ временною коммиссією для разбора древнихъ актовъ*, напечатаны (подъ №№ 3, 4 и 5) три грамоты, данныя патриархомъ Теофаномъ кievобогоявленскому братству. Грамота Теофана, не непосредственно предшествующая въ нашемъ сборникѣ виленскимъ артикуламъ, почти буквально сходна съ грамотою помѣщ. въ *Памятникахъ* подъ № 5,—за исключеніемъ: 1) *пропуска* въ первой нѣсколькихъ строкъ (отъ словъ—*прочихъ ревнивателей сея истинныя отри...* включительно до словъ—*въ свою паубную ересь отводять*) и 2) *разницы въ датѣ* (въ грамотѣ, помѣщ. въ сборникѣ дата обозначена такъ: *въ мѣсто отъ Адама 7128, а отъ воплощенія Сына Божія 1620, мая дня 20* а въ грамотѣ, помѣщ. въ *Памятникахъ*—*въ мѣсто отъ битія міру 7129, плотского же смотренія Божи Слова 1621, мѣсяца Іануарія 7 дня*).



объяснимое тѣмъ, что переписчикъ имѣлъ подѣ руками виленскіе артикулы *киевской редакціи*.

XXXVII.

Отрывокъ изъ грамоты іерусалимскаго патріарха Теофана, заключающей въ себѣ совѣты православнымъ южно-руссамъ избрать достойнаго чловѣка для посвященія въ епископы.

1620 г. Августа 13.

..... Еще вамъ приносимъ извѣстіе спрѣчь певность вѣры и церкви нашея, яко церковь истинно есть едина, святая, каеолическая и Апостольская, въ нейже есте вы и истинное въ пей спасеніе лежитъ. И вѣра наша есть истинная и правая, юже Христосъ Спаситель нашъ и многіи многи утвержаютъ знаменми..... сія едино, яко врата адовы и рука не вѣрныхъ, по глаголъ Христови, неодоляють церкви, аще и множицею ратуема. Другое яко на всякъ годъ праздника Іисусъ Христова въ субботу великую въ вечеръ извѣствуется и утверждается вѣра наша, внигда исходити отъ небесъ святому свѣту на гробъ православный Господень, отъ него же свѣщи возжигаются.

Си есть вѣра наша, яже презъ седмь вселенскихъ соборовъ исповѣдуется и каноны и уставы ихъ, такожде и помѣстныхъ съ ними согласны съдержитъ. А иже не исповѣдуютъ якоже отци седми соборовъ исповѣдуютъ и тѣхъ каноновъ не сохраняють, нѣсутъ правовѣрныи, но еретицы и отступницы каеолическіа, Апостольскія церкви. Возглаголемъ же сія первое утѣшеніе о скорбей и напастехъ вашихъ. Радуйтеся якоже Спасъ рече: Блажени изгнани правды ради, яко тѣхъ есть царство небесное, и проч. Радуйтеся и веселитеся яко мзда вапа многа на небесехъ. Тако бо изнаша прочихъ, иже бѣша прежде васъ. Дерзайте. Глаголетъ бо Апостоль: Непщую убо яко недостойный страсти пышншаго